

# حبك ضباب

باحكي ف حاجات

و باقول آهات

من عمر فات

من عمر عمري

ترمح في قلبي

تحضن في حزني

كثير ساعات

و باقول لروحي

حبك ضباب

أصبح سراب

تشهد علينا

دموع عنينا  
و التهيدات  
أنا حان رحيلي  
و ما عا دس يفرق  
و لا ضحكه باهته  
تهديها ليا  
على قد حبي  
و نبض قلبي  
على قد شوقي  
و الأمسيات  
هجرت عيوني  
عنيك و قلبك  
و ليه بحبك  
و ف قلبي شايله

لعنك حنين  
و لكمتين  
بيحاربوا فيا  
كلمة فراق  
و يا اشتياق  
طول السنين  
دانا لسه شايفه  
الشوق متاح  
قصتنا ضي  
و العمر جي  
ما تعود يا خي  
ميل عليا  
ملتيت جراح  
يمكن نعيد

كل اللي راح  
لكن يا روجي  
حبك مهازل !!  
و كيد عوازل  
طالع و نازل  
في الروح حاجات  
خريف حياتي  
نازف آهاتي  
حبك يا رميو  
كدبة حياتي  
هزل و دراما  
في مسلسلات  
مش باقي مني  
على صغر سني

إلا الثواني  
من فوق ثواني  
و البحر عامر  
بالدوامات  
الحب مات  
العمر فات  
و القلب يانا  
غرقان في كومه  
م الذكريات  
و انا تايهه مني  
و لاني تايهه  
أنا لسه برضه  
بالحكي ف حاجات